

Resolución do 5 de outubro de 2007 da Dirección Xeral de Ordenación e Innovación Educativa, pola que se establece o calendario para a celebración de eleccións para a constitución do consello escolar en centros escolares de nova creación e outros sostidos con fondos públicos.

No punto 6 do artigo 126 da Lei Orgánica 2/2006, do 3 de maio, de Educación, LOE, establécese que corresponde ás Administracións educativas determinar o número total de membros do Consello Escolar e regular o proceso de elección, polo que, ao abeiro do establecido na disposición transitoria undécima da LOE e dado que este precepto remite a posteriores disposicións regulamentarias que aínda non foron ditadas, son de aplicación as normas dese rango que o viñan sendo á data de entrada en vigor da LOE, sempre que non se opoñan ao disposto nela.

Pola súa parte, o Decreto 92/1988, do 28 de abril, polo que se regulan os órganos de goberno dos centros públicos de ensino non universitario, modificado polo Decreto 279/1990, do 27 de abril e os Decretos 324/1996, do 26 de xullo, 374/1996, do 17 de outubro, e 7/1999, do 7 de xaneiro, establecen as condicións de celebración das eleccións dos membros dos consellos escolares nos centros docentes.

A Orde do 21 de outubro de 1996, pola que se determinan aspectos para a elección dos membros do consello escolar nos centros docentes non universitarios sostidos con fondos públicos, establece o procedemento de integración no consello escolar dos profesores, dos alumnos e dos pais dos alumnos do primeiro ciclo da educación secundaria obrigatoria que cursen estudos nun centro de primaria, e determina a composición dos consellos escolares dos institutos de educación secundaria con menos de oito unidades.

A Orde do 28 de agosto de 1996 pola que se regula o procedemento de elección dos órganos de goberno dos centros privados concertados, establece que dito procedemento realizárase de acordo co regulamentado nesa orde e que nos aspectos non previstos nela haberá que atermos ao establecido para os centros públicos no Decreto 92/1988, do 28 de abril, modificado polo Decreto 324 /1996, do 26 de xullo.

Dado que no derradeiro trimestre do ano 2006 correspondeu a renovación de todos os consellos escolares no ámbito da Comunidade Autónoma, no presente ano é preciso proceder á constitución do consello escolar por primeira vez nos centros creados con posterioridade á citada renovación, ao tempo que se regulariza a situación daqueles centros que, por razóns de diversa índole, non realizasen as eleccións no citado proceso do ano 2006.

Na súa virtude, esta dirección xeral

RESOLVE:

Artigo 1º

O obxecto desta disposición é fixar as datas para a elección dos representantes dos distintos sectores da comunidade educativa no consello escolar dos centros docentes sostidos con fondos públicos que inician o seu funcionamento no curso 2007/2008, así como ditar instrucións para o seu desenvolvemento.

Artigo 2º

As eleccións para a primeira constitución do consello escolar nos centros escolares sostidos con fondos públicos, aos que se refire o artigo anterior, celebraranse entre os días 5 e 9 de novembro de 2007, ambos os dous incluídos. Non obstante, co fin de fomentar a participación de todos os sectores implicados, é desexable que, dentro das posibilidades de cada centro, a xunta electoral fixe unha única data para as votacións correspondentes, de acordo co procedemento establecido:

a) Para os centros de educación infantil, primaria e secundaria, na Orde desta consellería do 21 de outubro de 1996 (DOG, 22/10/1996).

b) Para os centros públicos integrados, no artigo 11 do Decreto 7/1999, do 7 de xaneiro (DOG, 26/01/1999).

c) Para os centros públicos de ensino non universitario de características singulares, de educación especial e de educación de adultos, na Orde desta consellería do 29 de outubro de 1996 (DOG, 04/11/1996. Corrección de erros: DOG, 15/11/1996).

d) Para os centros privados concertados, na Orde desta consellería do 28 de agosto de 1996 (DOG, 26/09/1996).

Artigo 3º

1. A xunta electoral regulada no artigo 30 do Decreto 92/1988, do 28 de abril, segundo a redacción dada polo Decreto 324/1996, do 26 de xullo, polo que se aproba o regulamento orgánico dos institutos de educación secundaria, constituirase entre os días 15 e 19 de outubro de 2007.
2. De conformidade co establecido no artigo 31. b) do Decreto 92/1988, do 28 de abril, é competencia da xunta electoral concretar o calendario electoral. As xuntas electorais terán

presente, en todo caso, que o prazo de admisión de candidaturas non deberá ser inferior a sete días naturais.

Artigo 4º

As persoas integrantes da xunta electoral, das mesas electorais e aos electores que necesiten permiso laboral para o desempeño das súas obrigas seralles de aplicación o artigo 70.2º da Lei 4/1988, do 26 de maio (DOG, 01/06/1988), da función pública de Galicia. Non obstante, os días en que se celebren as eleccións de representantes dos distintos sectores da comunidade educativa non poderán ser declarados non lectivos.

Artigo 5º

A primeira renovación do consello escolar dos centros aos que se refire o artigo 1º desta resolución producírase no ano 2008, coincidindo coa renovación do resto dos consellos escolares no ámbito da Comunidade Autónoma, de conformidade co establecido nos artigos 49 do regulamento orgánico das escolas de educación infantil e dos colexios de educación primaria e do regulamento orgánico dos institutos de educación secundaria, aprobados polos decretos 374/1996, do 17 de outubro, e 324/1996, do 26 de xullo, respectivamente, no artigo 11 do regulamento orgánico dos centros públicos integrados de ensinanza non universitarias, aprobado polo Decreto 7/1999, do 7 de xaneiro, e no punto 11º. 2. da Orde desta consellería do 28 de agosto de 1996.

Artigo 6º

1. A acta do escrutinio da votación de cada mesa electoral, á que se refire o artigo 50 do Decreto 92/1988, do 28 de abril, na súa redacción dada polo Decreto 324/1996, do 26 de xullo, farase segundo o modelo que se publica como anexo I a esta resolución.

2. De conformidade co establecido no artigo 51 do Decreto 92/1988, do 28 de abril, o director do centro, como presidente da xunta electoral, unha vez proclamados os candidatos electos, dará traslado das copias das actas de cada mesa electoral ao delegado provincial da Consellería de Educación e Ordenación Universitaria.

3. Logo da constitución do consello escolar, á que se refire o artigo 52 do Decreto 92/1988, do 28 de abril, o director do centro remitirá ao delegado provincial, antes do 30 de novembro de 2007, o formulario que se publica como anexo II a esta resolución.

Disposicións Adicionais

Primeira.

Os centros que na convocatoria do ano 2006 deberían ter realizada a primeira constitución ou a renovación parcial do consello escolar, e que por calquera circunstancia non o fixesen, deberán regularizar a súa situación levando a cabo o proceso electoral de acordo co calendario e normas previstos nesta resolución.

Segunda

No caso de renovación parcial terase en conta que:

1. Os centros modificarán o número de membros do consello escolar en función do número de unidades que teñan nese momento.
2. Nos centros regulados polos decretos 324/1996 e 374/1996, para determinar os membros do consello escolar que deben ser renovados procederase de conformidade co establecido no punto 1 da Disposición Adicional Terceira do Decreto 7/1999, do 7 de xaneiro, polo que se implantan e regulan os centros públicos integrados de ensinanzas non universitarias, que modifica o artigo 40 do regulamento orgánico dos institutos de educación secundaria e o artigo 41 do regulamento orgánico das escolas de educación infantil e dos colexios de educación primaria.

Terceira

Os centros aos que se refire a Disposición Adicional Primeira desta resolución realizarán a renovación do consello escolar no ano 2008, coincidindo coa do resto dos consellos escolares no ámbito da Comunidade Autónoma, de conformidade co establecido nos artigos 49 do regulamento orgánico das escolas de educación infantil e dos colexios de educación primaria e do regulamento orgánico dos institutos de educación secundaria, aprobados polos decretos 374/1996, do 17 de outubro, e 324/1996, do 26 de xullo, respectivamente; no artigo 11 do regulamento orgánico dos centros públicos integrados de ensinanzas non universitarias, aprobado polo Decreto 7/1999, do 7 de xaneiro, e no punto 11º. 2. da Orde desta consellería do 28 de agosto de 1996.

Disposición Derradeira

Esta resolución entrará en vigor o mesmo día da súa publicación no *Diario Oficial de Galicia*.

Santiago de Compostela, 5 de outubro de 2007. María José Pérez Mariño.

Directora Xeral de Ordenación e Innovación Educativa

ANEXO II

INFORME DE SEGUIMENTO DO PROCESO DE CONSTITUCIÓN DO CONSELLO ESCOLAR*

A.- DATOS DO CENTRO:

DENOMINACIÓN: TITULARIDADE: <table style="margin-left: 100px;"> <tr> <td>PÚBLICA</td> <td><input type="checkbox"/></td> </tr> <tr> <td>PRIVADA</td> <td><input type="checkbox"/></td> </tr> </table>	PÚBLICA	<input type="checkbox"/>	PRIVADA	<input type="checkbox"/>	LOCALIDADE E CONCELLO: Número total de unidades/grupos..... <input style="width: 100px; height: 20px;" type="text"/>
PÚBLICA	<input type="checkbox"/>				
PRIVADA	<input type="checkbox"/>				

B.- RESUME DO RESULTADO DAS VOTACIÓNS:

NÚMERO DE ELECTORES CENSADOS POR CADA SECTOR				RESULTADOS POR CADA SECTOR														
PROFESORES	PAIS	ALUMNOS	ADMÓN. E SERVICIOS	PROFESORES			PAIS			ALUMNOS			PERSONAL DE ADMINISTRACIÓN E SERVICIOS					
				VACANTES	CANDIDATOS	VOTANTES	VACANTES	CANDIDATOS	VOTANTES	VACANTES	CANDIDATOS	VOTANTES	VACANTES	CANDIDATOS	VOTANTES			

C.- COMPOSICIÓN DO CONSELLO ESCOLAR DO CENTRO:

	PROFESORES	PAIS	ALUMNOS	PERSONAL DE ADMÓN. E SERVICIOS	REP. DO CONCELLO	REP. DAS EMPRESAS
Composición legal do Consello Escolar , segundo se recolle no Decreto 374/96, Decreto 324/96, Decreto 7/99, Orde do 28/08/96, Orde do 21/10/96.						
Composición real do Consello Escolar constituído despois do proceso que se regula na Resolución da Dirección Xeral de Ordenación e Innovación Educativa do 05/10/2007.						

D.- NO CASO DE NON CONSTITUIRSE O CONSELLO ESCOLAR, SINALE AS CAUSAS:

_____, ____ de _____ de 2007

Vº e Prace
O/A Director/a

O/A Secretario/a

Asdo.: _____

Asdo.: _____

* Remitir á Delegación Provincial da Consellería de Educación e Ordenación Universitaria (Servizo Provincial de Inspección Educativa) antes do **día 30 de novembro de 2007**.